

ԳԵՎՈՐԳՑԱՆ ՀՈԳԵՎՈՐ ԾԵՄԱՐԱՆՈՒՄ ՆԾՎԵՑ ՊԱՐՈՒԹՐ ՍԵՎԱԿԻ 75-ԱՄՑԱ ՀՈՐԵԼՑԱՆԸ

Մայիսի 4-ին Գևորգյան Հոգևոր ճեմարանում, Մայր Աթոռ Սբ. Էջմիածնի դիվանապետ Տ. Ներսես արքեպս. Պողոսյանի բարձր նախագահությամբ, նշվեց հայ տաղանդաշատ բանաստեղծ Պարույր Սևակի 75-ամյա հորեւյանը:

Ճեմարանի դասախոս Սուրեն Դանիելյանի բացման խոսքից հետո, ավելի քան մեկ ժամ դաիլիճում հնչում էր սևակյան պոեզիան: Ճեմարանի 4-րդ լսարանի սաների ներկայացրած գրական-գեղարվեստական հայտագիրն ընդգրկում էր Սևակի կոմիտասական դրդանքները, հայրենասիրական ու սիրային բանաստեղծությունները:

Հանդիսության ավարտին օրհնության խոսք ասաց Տ. Ներսես արքեպս. Պողոսյանը:

Ցերեկույթն ավարտվեց ճեմարանին բազմիցս իր օժանդակությունը ցուցաբերած «Կայծակյան» հիմնադրամի մրցանակների հանձնմամբ: Մրցանակներ տրվեցին 1997-1998 թթ. ուսումնական տարվա ընթացքում իրենց լսարաններում լավագույնը ճանաչված 10 ուսանողների և երկու մրցանակ՝ լավագույն ստեղծագործական շարադրության համար:

ՀՈԳԵՀԱՆԳԱՏՑԱՆ ԱՐԱՐՈՂՈՒԹՅՈՒՆ՝ Ի ՀԻՇԱՏԱԿ ՍԵՐԳԵՑ ՓԱՐԱՋԱՆՈՎԻ

Մայիսի 6-ին Մայր Աթոռ Սբ. Էջմիածնի Մայր Տաճարում, Կաթողիկոսական Ընդհանուր Փոխանորդ Գերշ. Տ. Գարեգին արքեպս. Ներսիսյանի նախագահությամբ, տեղի ունեցավ հոգեհանգստյան արարողություն՝ ի ղզեկոչումն նշանավոր կինոռեժիսոր Սերգեյ Փարաջանովի 75-ամյա հորեւյանի:

«Սխիթարանք է, որ այսօր աղոթք ենք հղում հանուն հայ ժողովրդի մեծանուն զավակ Սերգեյ Փարաջանովի, մի արվեստագետի, որի արվեստն իր ազգային ակունքներով հանդերձ դասվում է համամարդկային արժեքների շարքը», - հավարտ արարողության ասաց Արքազան Հայրը:

Արարողությանն իր հոգեւոր երգեցողությամբ մասնակցում էր Արարատյան Հայրապետական թեմի «Սանկունք» երգչախումբը:

Արարողությանը ներկա էին հավատացյալներ, Փարաջանովի արվեստի բազմաթիվ երկրպագուներ:

ՄԱՍԼՈՂ ԴԻՎԱՆ ՄԱՅՐ ԱԹՈՐԻ